



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

47. Cum Sacr. Congregationi &c. Decretum quo absolutio ab Episcopo
Astensi concessa nonnullis excommunicatis ob læsam Jurisdictionem, ac
Immunitatem Ecclesiasticam nulla, ac invalida declaratur.

[urn:nbn:de:hbz:466:1-74859](#)

1706.

eisdem liceat proventus ullos, aut fructus Ecclesiae, tametsi alioquin beneficia legitimè ipsis fuerint collata, percipere, aut illis uti, & frui, etiam sub spe dispensationis obtainenda, ad quos fructus, & proventus Sanctitas Sua ex nunc eodem pro eo tempore incapaces declarat, atque inhabilitat, nec non ad poenam restitutio[n]em, aliasque contra Usurpatores, & injustos Détentores bonorum Ecclesiasticorum latus teneri declarat. Quòd si demum ex aliquo ingruente Bellorum, aut alterius cuiuslibet gravis causæ impedimento, & per Sedem Apostolicam, ut prefatum est, in scriptis approbando aliqui ipsorum minime residere permisum fuerit, saltem in loco aliquo proximiori, & per eamdem Sanctam Sedem in scriptis designando residere omnino teneantur sub eisdem prorsus poenis, quæ superius de residentia in Diœcœsi dictæ sunt. Præfens autem Decretum idem Sanctissimus cuiilibet ex præfatis Episcopis pro tempore, ante propositionem in Consistorio ad Ecclesiam notificari mandavit, ut ad omnium in eo contentorum observationem per jura mentum in manibus Reverendissimi Cardinalis præfata Ecclesiam in Consistorio proposituri, & sub rogatu Notarij Sacræ Congregationis de Propaganda Fide præstandum sese adstringant. ejusdemque Decreti, ac juramenta tenore in Decreto Consistoriali, & in Bullis inseri mandavit. Die 26. Ju[ni] 1662.

EPISTOLÆ, ET DECRETA

Memorabilia Eminentiss., & Reverendiss.
DD. Cardinalium Sacrae Congregatio[n]is Immunitati Ecclesiasticae, & Controversiis Jurisdictionalibus præpositæ.

Juxta temporis seriem disposita.

R E S O L U T I O N E S

I.

Variae quoad Privilegiatos, & Clericos tam cælibes, quam conjugatos admissos, seu petentes admitti ad publica munera Communitat[i]s.

E U G U B I N A.

Sacra Congregatio super Immunitate Ecclesiasticae & controversiis Jurisdictionalibus ad consulendum controversis, quæ saepè saepius oriuntur in admissione Clericorum, & etiam Laicorum privilegiatorum ad Consilia Communitat[i]m, nec non ad exercitum munerum publicorum decrevit.

Primo: Quòd Privilegiati gaudentes Privilegio Fori Ecclesiastici, & petentes admitti inter Consiliarios, admittantur, ita tamen, ut quoad pertinencia ad Consiliariatum tantum non gaudent privilegio Fori Ecclesiastici.

Secundo: Quod Privilegiati prædicti jam admissi inter Consiliarios renuentes intervenire Consilium, quatenus non fuerint legitimè impediti, subjiciantur eisdem multæ pecuniariis, quibus subhacent alii Laici non privilegiati, & easdem multæ exequi possit Judex Laicus, dummodo ipsi Privilegiati actu non renuncient absque spe reintegrationis in perpetuum loco quem habent in Consilio, ita ut amplius non possint admitti.

Tertio: Quòd iudem Privilegiati habentes locum in Consilio possint etiam renuentu cogi à Super-

riori Laico suscipere munera Camerarii, Depositarii, Grascerii, Abundantiarij, & similia officia Communiativa eadem formâ, & poenâ, quibus cogi possunt Laici non Privilegiati, dummodo ipsi Privilegiati actu non renuncient in perpetuum absque spe reintegrationis loco, quem habent in Consilio, ita tamen, ut amplius non possint admitti.

Quarto: Quòd iudem Privilegiati suscipientes præfata Munera non gaudeant Privilegio Fori quoad pertinencia tantum ad præfata Munera ab ipsis suscep[ta], & contra eosdem procedi possit in omnibus Casibus, etiam expleto Officio.

Quinto: Quòd Clerici Conjugati, qui sunt de numero Consiliariorum, non incidentes notoriè in habitu, & Tonfurâ, quatenus renuant intervenire Consiliis, vel suscipere Munera Camerarii, Depositarii, Grascerii, Abundantiarij, & similia Officia Communiativa, possint multari per Superiorum Laicum eisdem multæ pecuniariis, quibus sunt subjecti alii Laici; Et in casu, quo iudem Clerici Conjugati, postquam renuerint, reassumpterint habitum, talis reassumptio nihil eisdem suffragetur pro evitanda præfatâ multâ.

Sexto: Quoad alios Clericos, tam Cælibes, quam Conjugatos habentes requisita Cap. unic. de Cleric. Conjug. in 6. etiam admissos inter Consiliarios, si legitimè non impediti renuerint interesse Consilii, Episcopi, aliquique Superiores Ecclesiastici procedant ad omnem requisitionem etiam extrajudicialem Superioris Laici, vel Magistratus contra eosdem ad multæ pecuniariis ab ipsis arbitrandas, dummodo non sint minores, illis, quibus subjecti sunt Consiliarii Seculares, & poenæ applicentur locis Piis.

Episcopi procedant similiter contra eosdem Clericos, casu quo deliquerint in materiis pertinentibus ad Consilium Romæ hac die 27. Julij 1706.

G. Card. Carpineus.

P. Marefuscus Secretarius.

D E C R E T U M

Quo absolutio ab Episcopo Asteni concessa non nullis excommunicatis ob laesam Jurisdictionem ac Immunitatem Ecclesiasticam nulla, ac invalida declaratur.

A S T E N.

Cum Sac. Congregationi Immunitatis Ecclesiasticae innoverit, quòd Episcopus Asten., postquam sub die 16. Novembris 1711. per Decretum definitivum declaraverat, Josephum Talianum Loci Montatae Fangi Asten. Diœcœsis, Julium Cæsarem Maggiolinum Archipresbyterum Coadjutorem, Ambrosium Casalegnum Canonicum Ecclesie Cathedralis Asten., & Carolum Gabrielem Pictarellum Notarium, & Caufidicum ejusdem Civitatis, ob recursus habitos, & respectivæ factos ad Senatum Taurinum, in quadam controversiâ Beneficiali ortâ inter præfatum Talianum Provisum à Capitulo, & Franciscum Benedictum Burra Provisum Apostolicum, Excommunicationis Majoris poenam, juxta disposita in Can. 16. Bullæ Cœnæ Domini, incurrisse; Ac etiam, postquam demandaverat affigi publicas Schedulas, seu Cedulones ejusdem excommunicationis, prout affixa fuerint in locis publicis ejusdem Civitatis; Nihilominus, impressis sub die 23. Novembris ejusdem anni quibusdam Literis Moniatorialibus, & respectivæ Inhibitorialibus

Sena-

1712.

Senatus Taurinen., in quibus, nedum præfatus Episcopus, sub poena reductionis bonorum, tam Episcopatus, quam propriorum, monitus fuit ad revocandum infra terminum quinque dierum supradictum Decretum, & Schedulas declaratorias ejusdem excommunicationis, tanquam nulliter, & insubstancialiter prolatæ, sed ultius inhibitum fuit cuicunque Personæ cuiuslibet status, gradus, & conditionis, ne sub poenitentia arbitrii ejusdem Senatus extenderent, usque ad mortem, consortium præfatorum Taliani, Maggiolini, Casalegnii, & Pictarelli, ut supra, excommunicatorum evitaret, neve aliquam molestiam, injuriam, aut damnum ex causa supradictâ inferret: Hisce Litteris, & minis perterritus idem Episcopus, nullatenus attento, quod per editionem, & publicationem supradicti definitivi Decreti, exprimerat omnis eius Jurisdictione, nec poterat amplius revocare declarationem incursum Censurarum, minusque præfatos Excommunicatos à Censuris absolvere, ob reservationem ejusdem absolutionis Summo Pontifici pro tempore existenti, præterquam in mortis articulo, contentam in præfatis Literis Apostolicis, singulis annis in die Cœna Domini legi & promulgari solitis, perperam, & nullo Jurisdictionis munimine fulcitus, ac sub aliis inanimis, & prorsus insubstantialibus fundamentis, auctoritate fuit aliam proferre Sententiam, in quâ Declaratoriam incursum censurarum, per supra relatum definitivum Decretum ab ipso præcedenter factam, præfatos Talianum, Maggiolinum, Casalegnum, & Pictarellum, non affecisse, pronunciavit, eamdemque Declaratoriam penitus revocavit; Et (quod valde notatu dignum est) non sine maxima terminorum contradictione, & implicantiâ, eos, quos in censuras non incurrisse in eadem Sententiâ declaravit, ab eisdem Censuris absolvit, in quantum ipse potuit, demandando ultius publicationem, & affixionem ejusdem Sententiae, prout publicata, & affixa fuit in locis publicis dictæ Civitatis.

Hinc est, quod eadem Sacra Congregatio Immunitatis Ecclesiasticae, ad quam, ex Ordinariis Summorum Pontificum, privativè pertinet cognitio prætentæ invaliditatæ, seu Injustitiae Declaratoriae Censurarum à Locorum Ordinariis prolatæ, ex causâ laese Jurisdictionis & Immunitatis Ecclesiasticae, ita ut, nec eisdem Ordinariis, post prolatam Declaratoriam, seu Decretum super incursum Censurarum, nec alteri Judici in gradu appellationis liceat amplius manus apponere, eademque Censuras revocare, nec ab eis quomodo absolvere; Re mature perspensa censuit præfamat Sententiam fuisse nullam, invalidam, nulliusque roboris, & momenti, nec prædictam revocationem, & respectivè absolutionem à Censuris, ullo modo suffragari prænominitis Taliano, Maggiolino, Casalegno, & Pictarello, sed ipsos esse vitandos, & ab omni consortio, SS. Sacramentorum participatione, & Fidelium communione arcendos, donec ab eadem Sac. Congregatione, ad quam ab eis recurrentem est, supradictum Decretum super incursum Censurarum, nullum, vel injustum declarari obtinuerint, vel à Summo Pontifice absolutionem reportaverint.

Et factâ Sanctissimo D. N., per me infra scriptum Secretarium hac die 5. mensis Julii 1712. relatione supradicti Decreti Sac. Congregationis, Sanctitas Sua, nedum illud approbat, & omnia in eo contenta servari mandavit, sed ut omnibus Christifidelibus idem Decretum innoficeret, ad valvas Ecclesiae Cathedralis Astenf., & alia loca publica ejusdem Civitatis illud affigi præcepit, ejusque transsumptis, seu exemplis, etiam impressis, manu tamen alicuius publici Notarii subscriptis, & sigillo Eminentissimi Praefecti Sac. Congregationis

munitus integrum fidem haberi voluit, & mandavit, Datum Roma dicta die 5. mensis Julii 1712.

G. Cardinalis Marescottus.

Prospere Episcopus Cyrenen. Secret.

EPISTOLA

Encyclica iussu Summi Pontificis ad Archiepiscopos Hispaniarum conscripta, pro tollendisabus eorum, qui ubi in carceres conjecti fuerint, ad eludendam justitiam, se se à locis immunibus, ad quæ confugerant, dolosè extractos fuisse allegare solent.

Illustris, ac Reverendissime Presul, uti Frater.

Cum ad aures Sanctissimi Domini Nostri Clementis Papæ XI. plurimæ pervenerint querelæ fide dignorum testimonio comprobatae, adversus eos, qui ubi de mandato Judicum, sive in criminalibus, sive etiam in civilibus capti fuerint, & in carceres conjecti, ad eludendam justitiam, falsò plerisque affirmare solet, se ab Ecclesiis, aliisque locis immunibus, ad quæ confugerant, blandis verbis, vel alias dolosè extractos fuisse: dictumque suum perjurio confirmare audent, ac insuper adhibita confanguineorum, vel amicorum suorum operâ, falsos testes inducere, & alia non minus detestabilia patrare non verentur; Qui nimò aliquando ipsum fuit, qui ad effectum liberè vagandi, & forsan etiam impunè delinquendi, per Baroncellos, & Executores, aliosive similes Justitiae Ministrros, data operâ, ab Ecclesiis, locis immunibus prædictis se se extrahe fecerant, eâ spe freti, quod interim Ecclesiasticae Immunitatis beneficium amittere non deberent. Hinc est, quod Sanctitas Sua graves ejusmodi abusus quibus justitiae cursus inhibetur, animarumque salus in discriben adducitur, pro Pastorali suâ sollicitudine, eximioque zelo, è medio tollere, ac radicitus extirpare cupiens, auditio prius nonnullorum Sanctæ Romanae Ecclesiæ Cardinalium, ac Romanæ Curiae Prelatorum, super hac re specialiter deputatorum consilio, decrevit per organum hujus Sacrae Congregationis Immunitati Ecclesiasticae, & Controversiis Jurisdictionibus præpositæ, injungi Amplitudini Tuæ, quemadmodum per præsentes injungitur, ut publico speciali Edicto, tenoris in adjuncto folio exprefsi, moneat, denunciet, atque notificet, quod omnes, & singuli cujuscumque status, gradus, & conditioni fuerint, qui actu confugerunt, vel in posterum confugient ad Ecclesiæ, seu loca immunitia istius Dicæcæ, si illorum Immunitate gaudere velint, curent attentè in eis permanere, nec se ullo prætextu, causâ, vel quæsito colore seduci finant ad discedendum ab istidem Ecclesiæ, seu locis immunibus; ubi etenim extrâ illas, seu illa ipsos deprehendi contingat, minimè eis proderit allegare, & probare, quod fallacibus suasionibus, blandis verbis, affsecutionibus, dolosive machinationibus extracti, seu abducti inde fuerint; Cum ad occurrendum fraudibus, & abusibus supra expositis Sanctitas Sua, de præfatorum Sanctæ Romanae Ecclesiæ Cardinalium, ac Prælatorum consilio congruum, ac opportunum duxerit, firmiter decernere, & statuere, prout decernit, & statuit, quod deinceps ii tantum extra Ecclesiæ, & loca immunitia, ad quæ confugerant, Ecclesiasticae Immunitatis beneficio gaudere pergent, qui ab Ecclesiæ, & locis immunibus hujusmodi vio-

III.